

Hück sin se widder ens all beienein,
Tant Änni met Anhang, d'r Jupp kütt allein.
Tant Rosa met Enkel, d'r Schäng kütt met Frau
un et Cilly mem Matthes,
jo, dä es mihtstens blau.
Alles en allem jot fuffzich Mann,
un die fangen jetz all an ze singen an.

Wenn sich de Familich trifft

kütt nor vun allem et Beß op d'r Desch.

**Dann weed jesunge, jeschwat un jelaach,
dat jitt en herrlich, herrlich, herrlich,
dat jitt en herrlich lange Naach.**

Et Rosa käut Printe, d'r Hein köpp en Ei,
Tant Traut hät wie immer jet Natron dobei.
Et vörnehme Nies un d'r Schäng schlürfen Sekt,
die vierhundert Häppcher, jo, die sin längs schon weg.
D'r Pål hat noch jrad en Mettwoosch erwisch,
die loch ungerm Desch zweschen Erdnöss un Chips.

Wenn sich de Familich trifft ...

D'r Klöß sät: Dat Kölsch, dat schmeck ävver jot,
dobei hä us jlasije Äujelcher lot.
Ich künnt se bütze, die Bierbrauerei,
sät drop et Änn un zapp sich noch ei.
Et Kätt zeich Brilljante, an jeder Hand zwei.
Ich han'er noch mih, sät et janzen nevenbei.

De Pänz sin am knaatsche un wollen noh Hus,
do klopp et vun unge: Nu maat endlich Schluß.
Mensch, wo die Zick blit, schon veedel op ein,
dröm sprich jetz zom Schluß
noch ens d'r Onkel Hein:
„Freut euch des Lebens, nur so hat es Sinn!“
Do fällt im et Gebess en et Wingilas eren.

Wenn sich de Familich trifft ...

... dat jitt en herrlich lange Naach.

Un och de Nohberschaftt blief dobei wach.

am em am Dr-G?
Un dä Uhm dä hück Gebotsdaach hät,
jo der litt schon Zick vierdel no Ach em Bett